



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Generalibus Principiis Amoris Et Morum - Prolegomena septem,
Librosque undecim complectens

Henricus, de Sancto Ignatio

Leodii, 1709

Caput XVI. Ex doctrina capitibus præcedentibus stabilita magni momenti
derivantur consectaria.

[urn:nbn:de:hbz:466:1-73187](#)

Liber Decimus.

724

cauta sufficiat ad hoc ut in seipsis peccata & ad novam pœnam imputabilia sint, qua contra legem sequuntur ex tali causa, S. Thomas expreflè docet in 2. dist. 35. a. 3. ad 3. q. 2. de malo a. 1. ad 11. q. 23. de volunt. Dei a. 7. ad 6. 1. 2. q. 7. a. 5. q. 76. a. 4. ad 4. 2. 2. q. 79. a. 3. ad 3. & q. 150. a. 4. Confer quæ dixi p. 1. c. 24. & 25.

138 Objicis 3°. Si ad novam pœnam imputabilia forent peccata, quæ contra legem Dei sequuntur ex causa culpabili, v. g. ebrietate, sequeretur ex duobus ebriis, horas omittentibus, quorum unus moritur ante tempus, alter post tempus obligationis earum, gravius in inferno puniendum istum, quam illum. Quod videtur absurdum. Sic enim majus peccatum, majorque damnatio istius penderet à casu fortuito. Nec lervus qui suā sibi culpā oculos eruit, vel crura fregit, novam pœnam incurrit, ex hoc quod post culpam istam ad imperium dominii non currat, nec videat quid agatur.

Respondeo S. Thomam 1. 2. q. 76. a. 4. ad 4. expreflè docere, peccatum in ebrietate commissum, novam ac distinctam mereri maledictionem: cum docet, quod ebris meretur duplices maledictiones, propter duo peccata quæ committit, scilicet ebrietatem, & aliud peccatum, quod ex ebrietate sequitur. Cumque 2. 2. q. 79. a. 3. ad 3. de peccato omissionis expreflè dicit, quod ei qui se inebriando, voluntariè se redditim impotentem ad non omitendum, omissione (effectivè) incipit imputari ad culpam, quando fuit tempus operandi, propter causam precedentem, ex qua omissione sequitur (quod & docet in 2. dist. 22. q. 2. a. 1. ad 4.) per consequens docet eum in inferno gravius puniri, qui moritur post tempus obligationis horarum, quam qui moritur ante. Quia ille violat obligationem horarum, non iste. Nec propterea majus peccatum, majorque damnatio illius pendet à casu fortuito. Non enim fortuito casui tribendum est, quod unus præ alio moriatur ante tempus obligationis horarum; sed misericordia Dei, qui ipsum eripuit è vivis, antequam peccatum omissionis incurriteret, alterum vero justo iudicio non eripuit, sed ipsi concessit tempus omittendi. Quoad servum de quo in objectione, si facti ipsum pœnitent, mittere cum ipso agendum. Sin minus, flagris continuis quis neget esse dignum? Ceterarum objectionum solutionem habes p. I. cap. 25.

C A P U T XVI.

Ex doctrina capitibus precedentibus stabilità magni momenti derivantur consecratio.

139 **S**equitur namque 1°. plurimas in nobis esse culpabiles, vincibilesque ignorantias, inadvertencias, & incogitantias, per peccatum, & propter peccatum nostrum induetas, de quibus inde contrahendis nulla praecessit formalis & a-

ctualis cogitatio, vel suspicio. Nec immerit Navarrum (apud Binsfeldium Enchirid. p. 3. c. 19.) dicere: *Horrendum quidem, sed tamen verissimum, multos damnari, ob non solutionem debitorum, nullum habentes conscientia scrupulum, credentes se non teneri ante declarationem per sententiam.*

Secundò, infidelitatem, Judaismum, hæresim, esse culpabiliter & imputabiliter in multis, certò perfidientibus sibi, veram se religionem sequi; tametsi nulla dubitandi ratio subierit aliquando; si tamen eum statum suā sibi culpā adsciverint, vel in eum ab initio inculpatè lapsi, tuā in eo culpā permanerint, alias inde liberandi. Quod quando contingat, in hac rerum caligine, generali regulâ definire nemo potest, Psalmistā dicente: *Delicta quis intelligit?* Neque enim per culpana quamcumque status ille contrahi videtur. Alias infidelitas negativa, in iis qui de Christo nihil audierunt, vix aut ne vix quidem inculpabili esset, nisi forte in primo rationis instanti. Quia nullus est qui non peccet.

Tertiò, multos, & valde multos, sine conscientiae remorsu peccare, multos absque scrupulo ad inferna descendere; multos male abbländiri sibi metipsi, sub prætextu inadvertentia, seu incogititia, quasi ob illam excutabiles forent: cum tamen revera sint inexcusabiles. Ed quod per culpam suam inordinatumque ad creaturas affectum, vel immortificatas passiones, vel voluntarias mentis evagationes, dissipationesque, istas sibi inadvertentias adsciverint. Propterea namque Augustinus in Psal. 54. monet, aliquos in infernum descendere viventes: quia sciunt malum esse quod faciunt. Alios verò nonnisi mortuos in infernum descendere: quia quod agunt malum, vel ignorant, vel non advertunt; in qua peccatorum suorum ignorantia frequenter manent ad mortem usque. Similiter Bernardus ferm. 2. de Assumpt. observat, multos esse, qui seducunt semetipsum, putantes se in statu salutis esse (dum sibi de specie pietatis abbländiuntur) qui tamen revera sunt in statu damnationis, ob notabiles culpas, quas intus furent, imprudenter quidem, inadvertenterque, sed culpā suā: utpote excæcati per nimiam mentis suæ dissipationem, inordinatemque affectum suorum: *Hominem inuenire (inquit) qui confessus est, & deseruit manifesta peccata precedentia ad judicium, & nunc solas manus movet ad opera mandatorum, corde penitus arido, ductus consuetudine quādam, planè quasi vitula Ephraim, docta diligere trituram. Exeriorum videlicet, quæ ad modicum valent, nec unum iora præterit; sed camelum gluit, dum culicem liquat. In corde enim servus est propria voluntatis, cultor avaritiae, gloria cupiens, ambitionis amator, alienus à charitate fraterna, adversus proximum astuans livore, felle amaritudinis & vindictæ, & mentitur iniurias sibi. Ideas enim sic palliatum hominem, ni seducat etiam semetipsum, non attendens vera-*

mem, qui interiora depascitur. Manet enim superficies, & salva sibi omnia arbitratur.

142 Quartò, inexcusabiles esse illos, in quibus affectus ingens ad peccatum consuetudoque peccandi, (ut Eminentiss. D. Card. Bona sapienter observat in princip. vit. Christ. p. 1. §. 38.) rationis debile lumen obsecrat, ipsam que conscientiam suffocat, & sopit, neullo peccati sensu tangatur. Atque ita sit, ut multa quotidie perpetrentur, quorum sensum admitit affectus, qui in ipsa præcipitat, & notitiam eorum tollit ipse usus malus. Hoc vide licet habet infelix consuetudo peccandi, ut quanto amplius delinquit, eo magis mentis intuitus obsecretur. Nec tamen idem immunitus a peccato; quia peccare assuetus, peccati sensum amisit, peccataque assuetudine sensum excœavit. Manifestum namque est quod in istam cœtatem insensibilitatemque suā culpā devenerit.

143 Quinto, maledictiones, juramenta, blasphemias, aliaque ejusmodi peccata iis imputari, qui in ea prolabantur ex culpabili iracundia, ad cuius emendationem seriò non alaborant, tametsi ex ea soleant in istas maledictiones, juramenta, blasphemias prouumpere; tametsi interim maledicendo, jurando, blasphemando non advertant se peccare. Tunc enim de ipsis philosophandum, uti de homicidiis, impudicitiis, &c. committi solitus in ebrietate, quæ licet non præcogitentur, nec advertantur, imputantur, ut S. Thomas docet 3. contra Gent. 159. & 160. Et 1. 2. q. 77. a. 7. & 8. & q. 73. a. 8.

144 Sexto, imputabile esse peccatum commissum sub voluntaria culpabilique privatione gratiæ sufficientis. Hoc enim Traditio docet (uti demonstravimus lib. 9.) ratioque confirmat, quia ex contraria opinione consequens est, Christum pro reprobis mortuum esse, ut ipsis (alias impeccabilibus) peccato per se ad culpam imputabili promereretur gratiam, cum qua peccato per se imputabili, non solum peccare possent, sed & (absque admicculo gratiæ efficacis) infallibiliter peccarent. Quod piæ aures non sustinent. Deinde opinio illa communis Sanctorum doctrina absque fundamento contradicit. Unicum quippe fundamentum ipsius est impotentia cavendi peccatum absque gratia ad id sufficiens. Cui respondent Sancti, impotentiam ex culpa voluntaria provenientem non excusare à peccato per se imputabili labentem in illud; sicut non excusat à peccato per se imputabili non surgentem à lapsu, qui etiam sine gratia, per se solum, à lapsu surgere non potest. Qua de re Meliusius Doctor ferm. 81. in Cantic. elegantem hunc discursum facit: *Quod surgere anima per se jam non potest, quia per se cadere potest, voluntas in causa est, quia corrupti corporis vitiatio ac viito amore languescens, & jacens, amorem pariter justitia non admittit. Ita nescio quo pravo & miro modo, ipsa sibi voluntas, peccato quidem in deterius mutata, necessitatem facit, ut nec necessitas, cum voluntaria*

sit, excusare valeat voluntatem; nec voluntas, cum sit illecta, excludere necessitatem. Et rursus: Premebatrū jugo, non alio quam voluntaria cujusdam servitius. Et erat pro servitute quidem miserabilis; sed pro voluntate inexcusabilis. Ubina, quo, hanc violentiam sentis? Nonne in voluntate? Non ergo parum si mitervis, quod nolle nequeas, nec mulierum obnictans. Porro ubi voluntas, ibi libertas. Atque utinam prohibitus hoc, & hac compulsione, ita esset violencia, ut non esset voluntaria! forsitan enim sic possem excusari. Aut certè ita esset voluntaria, ut non esset violencia! profectò enim sic possem corrigi. Nunc vero nusquam exitus misero patet, quem & voluntas, ut dixi, inexcusabilem, & incorrigibilem necessitas facit.

Septimò tandem, prorsus infundatum, traditionique & experientia contrarium est, quod Doctor Moynius, in superiori opinione velut temperamentum invenisse sibi vius, docuit, ad peccandum saltem necessariam esse gratiam, invitantem hominem ad orandum pro ulteriori gratia; nec committi peccatum propriè dictum, & imputabile ad culpam, nisi infundatur aliquid dilectionis à Deo, per quod inclinetur in rem quæ præcipitur. Nisi deinde inspiretur ipsi notitia infirmitatis, notitia Medicis, desiderium sanitatis, affectus implorandi auxilium. Hæc omnia (inquit) nisi in animo peraganur, actio non est verè peccatum, saltem imputabile ad culpam. Ita ille. Sed non ita Augustinus, non ita Fulgentius, non ita Prosper, non ita Bernardus, non ita Doctor Angelicus, libro 9. relati. Et quid ab experientia magis alienum, quam piis illis cogitationibus affectionibusque, ad implorandam Dei opem, toties animum incitari, quoties concupiscentia titillat, vel tentatio quoquomodo surrepit? Ergone quoties in die peccant Ethnici, toties in die piis illis cogitationibus & affectionibus præveniuntur. Ergone Nero, Caligula, & similia hominum monstra, inter medias fortes tuas, innumeraque flagitia, ad orandum Deum, isdem cogitationibus plusquam centies in die pulsati fuerunt? Ergone Athei, qui dixerunt in corde suo, non est Deus, de illo orando sèpius quolibet die cogitant? Ergone Philosophi illi, qui negabant Deo pro virtute supplicandum; sicut & Pelagiani, qui gratiæ auxilium negabant necessarium ad vitandum peccatum, de gratia & virtutibus à Deo perendis, cælestem à Deo cogitationem sèpius in die acceperunt? Ad vetulas inane commentum.

C O R O L L A R I U M.

Quemadmodum ad peccandum formaliter, etiam contra legem naturalem, necessaria non est formalis & actualis notitia peccati; ita nec voluntarium formale & actualis voluntate peccati; sed ad hoc sufficit & requiritur voluntarium virtuale & interpretativum.

U Sque adeò peccatum voluntarium malum 146 est (ait Augustinus l. 1. Retract. c. 1.)
Yyy 2

ut nullo modo sit peccatum, si non sit voluntarium. Concinuit Angelicus Doctor 1. 2. q. 76. a. 3. dicens: *Voluntarium est de ratione peccati.* Enimvero, uti dixerat q. 19. a. 6. nihil est moraliter bonum vel malum, nisi in ea ratione, in qua est voluntarium. Meritò proinde Pius V. Gregorius XIII. & Urbanus VIII. damnarunt hanc propositionem: *Ad rationem & diffinitionem peccati non pertinet voluntarium; nec diffinitionis quæstio est, sed causa & originis, virum omne peccatum debeat esse voluntarium.* Ante istos omnes Chrysostomus homil. 44. in Genesim: *ea solum peccata nos condemnant, qua scientes & voluntarie facimus.*

147 Hinc consequitur, ad peccandum formaliter, necesse esse quod peccatum sit aliquo modo cognitum. Cum de ratione peccati sit quod sit voluntarium, & de ratione voluntarii sit, quod procedat cum cognitione, sive quod procedat a principio intrinseco, cognoscētis singula in quibus est actio. Non solum ergo postulat esse ab intrinseco, sed cum additione scientia, ait S. Thomas 1. 2. q. 6. a. 1. Propterea Augustinus 1. 3. de lib. arb. c. 19. & 1. de nat. & grat. c. 67. *Peccatum* (inquit) quod propriè vocatur *peccatum*, liberā... voluntate, & à scientie committitur. Sed quā scientiā? Non necessariā formaliter & actuali, uti manifestum est ex dictis a cap. 1. usque in præsens. Igitur saltem virtuali & interpretativā.

148 Sed quæstio est, an necessaria sit scientia, seu cognitionis, saltem interpretativa, peccati in ratione peccati, si sufficiat cognitionis illius in ratione actus? Omnes convenient, necessariam esse cognitionem, saltem virtualem & interpretativam illius in ratione peccati, si peccatum sit contra legem positivam. Quorumdam tamen opinio est, ad peccandum formaliter contra jus naturæ, sufficere cognitionem illius in ratione actus. Quia censent Augustinum id tradere l. 1. Retract. c. 15. his verbis: *Qui nesciens peccavit, non incongruerer nolens peccasse dici potest, quamvis & ipse, quod nesciens fecit, volens tamen fecit. Quid enim, nisi voluisse, non fecisset, non coactus est facere. Quia voluit ergo fecit, etiam si non quia voluit peccavit, nesciens peccatum esse quod fecit. Ita nec tale peccatum sine voluntate esse potuit, sed voluntate facti, non voluntate peccati.*

149 Verum non idē negat Augustinus peccatum esse debere virtualiter & interpretativè voluntarium voluntate peccati; sed formaliter & actualiter dumtaxat. Idque satis colligatur ex eo quod, secundum Augustinum, nemo contra legem naturalem formaliter peccet ex ignorantia, nisi voluntaria (uti constat ex dictis p. 4.) quandocumque vero ignorantia malitia latentis in actu, per quem transgredimur legem naturalem, voluntaria est, ipsa etiam legis naturalis transgressio voluntaria est, non solum voluntate actus, sed etiam voluntate peccati; eo sensu quo transgressio legum quarumcumque voluntaria est voluntate peccati, quando fit ex ignorantia voluntaria.

Enimvero, si actus ex se malus, sive legi naturali contrarius, voluntariè fieret ex ignorantia peccati pro�us invincibili & involuntaria, per consequens actus ille, nullo modo voluntarius foret voluntate peccati, excusaret a formal peccato, prout constat ex Decreto Alexandri VII. I. de 7. Decemb. 1690. quo damnata est ista proposition: *Tamen si deatur ignorantia invincibilis juris naturæ, hoc, in statu naturæ lapsæ, operantem ex ipsa non excusat a peccato formalis.* Invincibilis vero ignorantia iustis naturæ, operantem ex ipsa non excusat a peccato formalis, si ad peccandum formaliter, contra jus naturæ, necessarium non foret voluntarium, saltem interpretativum, voluntate peccati, cognitioque ipsi proportionata. Hoc enim dato, nulla, etiam interpretativa, juris naturalis cognitio necessaria foret, ad peccandum formaliter contra illud. Ubi vero nulla, etiam interpretativa, juris naturalis cognitio necessaria est, ad peccandum formaliter contra illud, nulla ipsius ignorantia, etiam involuntaria & invincibilis, obstat, ne contra jus illud formaliter peccetur. Nulla proinde, etiam invincibilis, excusaret.

Et amplius idipsum ostenditur, tum quia 151 in tantum ignorancia excusat a peccato, in quantum ignoratur aliquid esse peccatum. S. Thomas 1. 2. q. 76. a. 3. post Augustinum, dicentem: *Non tibi deputatur ad culpam, quod invenis ignoras esse peccatum; sed quod negligis querere quod ignoras.* Et suprà n. 145. *Peccatum nullo modo est peccatum, si nullo modo in ratione peccati sit voluntarium.* Nullo vero modo in ratione peccati est voluntarium, si nullo modo in ratione peccati sit cognitum, sed invincibiliter ignoratum. Nec sufficit esse cognitionis in ratione actus. Quia, ut S. Thomas q. 3. de malo a. 8. cum aliquis nescit fornicationem esse peccatum, licet sciatis se fornicari, voluntariè quidem facit fornicationem, sed non voluntariè facit peccatum. Confer quod S. Doctor addit infra n. 154.

Tum quia nullus formaliter peccat, nisi qui 152 moraliter peccat, id est qui moraliter deviat a lege. Solus vero ille moraliter deviat a lege, qui ab ea deviat voluntariè ac liberè (quod non fit sine aliqua legis cognitione, saltem interpretativa) id enim solum moraliter fit, quod voluntariè ac liberè, in ea ratione in qua moraliter fit.

Tum denique quia æquum non est homini 153 pricipere odium & fugam peccati, quod invincibiliter ignorat odiendum esse ac fugendum. *Quid enim iniquius* (ait Tertullianus Apologet. c. 1.) quā obligare ad hoc mōderint homines quod odiendum invincibiliter ignorant, etiam res meretur odium? Meminiet tamen pius Lector suprà dictum esse, actum ex se intrinsecè malum, eo ipso virtualiter & interpretativè cognitum & volitum in ratione mali, quo formaliter cognitus & velitus est in ratione actus.